

17.25 CUNTRASTS SIN SRF 1

«L'urs» (2. part)

Avant bunamain diesch onns han ins schluppettà l'urs M13 en la Val Puschlav. La preschientscha da l'animal da rapina aveva ils mais precedents chaschunà per charplinas e foss profunds a l'intern da la communitad. Medias naziunalas ed internaziunalas han rapportà dal cas M13 e da las cuntraversas en Val Puschlav.



Il reschissur Alessandro Abba Legnazzi documentescha en ses film ils eveniments da quella giada. A maun da tschintg personas che raquintan da lur temas, ravgias ma er da lur fascinaziun per l'urs, reflectescha l'istorgia la convivenza spinusa da l'uman cun animals da rapina sco er las consequenzas ed implicaziuns che quai ha per ina cuminanza. Cun Livio, Arturo, Daniele, Flavio ed Annalisa – in pèr dad els interpretescha en il film sezs lur rolla da quella giada – essan nus perditgas da lur inscunters cun l'urs e da lur stentas da far frunt ad ina situaziun nova e straordinaria.